

保嬰撮要

保嬰撮要卷之七

薛氏醫按

吳郡薛鎧集

薛已驗

江都

吳中珩校

熱吐

經云胃傷則吐小兒熱吐者因多食甘甜炙煖之物或乳母膏粱厚味胃經積熱或夏間暑氣內伏於胃所致若肌肉瞤動煩熱作渴者暑傷胃氣也先用香薷飲次用竹茹湯若吐乳色黃不能受納者胃經有熱也先用瀉黃散次用人參安胃散若吐出酸穢者乳食內停也用保和丸吐乳不消者胃氣弱也用異

功散吐而少食腹痛欲按者脾氣虛也用六君子加
木香凡諸症當驗其手指熱則胃熱冷則胃寒熱用
瀉黃散寒用理中湯不熱不異功散調之

治驗

一小兒夏月吐乳手指發熱作渴飲冷口吐涎水
余謂胃氣熱廉泉開而涎出也用瀉黃散而愈後
復嘔吐另用剋滯之劑口渴飲湯流涎不已余謂
胃氣虛寒不能攝涎也用理中丸而愈

一小兒七歲嘔吐不食面白指冷此胃氣虛寒也
用理中湯嘔吐頓愈又用六君子湯而痊後傷食

腹痛發熱嘔吐流涎先用保和丸一服而痛嘔愈
再用四君山梔而涎止

一小兒食涼粉而嘔吐酸物頭痛發熱此內傷兼
外感也用人參養胃湯末二錢薑湯調服諸症皆
愈惟吐酸涎用大安丸一服而止

一小兒傷食發熱嘔吐酸物手指常冷此胃氣虛
寒陰盛隔陽於外虛熱所致也用保和丸末二錢
濃薑湯調服而吐止再用六君子湯加山梔而安
一小兒嘔吐作渴暑月或用玉露飲子之類而愈
又傷食吐酸余先用保和丸一服吐止次用五味

異功散飲食漸進又用四君子湯而痊

一小兒暑月患吐瀉服香薷飲五苓散之類而止但手足並冷睡而露睛飲食不入腸鳴作嘔欲用清涼之劑余曰此始爲熱終爲寒也當捨時從症用人參理中丸以薑湯化二服病勢始定次用助胃膏漸安又用六君子湯調理而愈

一小兒飲食多卽吐余用五味異功散愈之又腹痛嘔吐先服大安丸仍用異功散而愈後症復作另投祛逐之劑吐瀉不食腹中痛甚以手按之則止此脾氣復傷也又用補中益氣湯加枳殼半夏

一劑又用六君升麻柴胡二劑飲食頓進後食生
冷挾驚吐瀉手足並冷唇口搐動用六君釣藤鈎
柴胡而愈

一小兒吐酸作渴飲冷腹痛發熱用人參養胃湯
加黃連一劑吐熱稍定又用保和丸一服腹痛頓
止後傷食復吐腹脹大便不通用紫霜丸下之尋
愈又感冒咳嗽腹脹另服下藥發熱作吐腹脹手
足並冷睡而露睛發搐用六君釣藤鈎而安又用
四君加當歸川芎而愈後患吐瀉手足並冷用助
胃膏頓痊

一 小兒嘔吐發熱用瀉黃散而愈後因乳母飲酒
腹脹吐泄用葛花解酲湯子母服之漸愈大便日
去五七次用五味異功散加升麻二劑日去三次
乃用四君肉豆蔻而痊

一 小兒吐酸發熱用保和丸漸愈又用四君山查
神麴而安後因飲食過多嘔吐復作另用下積丸
更加作瀉腹脹手足發搐余以爲肝木侮脾用五
味異功散加柴胡釣藤鉤而搐止又用六君子湯
飲食漸進而痊

一 小兒夏間嘔吐腹痛大便不通服六黃藥而愈

又傷食患吐發熱服瀉黃散等藥嘔吐腹痛按之
即止面色青黃手足並冷此脾胃復傷而虛寒也
用異功散加木香愈之後又傷食腹脹作痛或用
消食丸吐瀉並作小腹重墜午後益甚余朝用補
中益氣湯夕用六君子加木香而愈

一小兒嘔吐發熱腹痛面赤手熱口乾飲湯按其
腹不痛此脾胃氣虛也用異功散加木香乾薑
劑而愈後傷食吐而嘔酸腹中作痛按之益甚此
飲食內停也用保和丸二服而痊

葛花解酲湯治乳母酒醉後乳兒遺熱爲患

白芷薤

砂仁

葛花

錢 分五

乾生薑

白朮

澤瀉

神麴

炒黃各
二錢

白茯苓

陳皮

人參

豬苓

木香

五分

青皮

三分

右爲末每服二錢白湯調服

愚按前湯先哲不得已而用之蓋醉酒耗氣又服
辛散重損真陰折人長命可不慎哉

助胃膏治脾胃虛寒吐瀉等症

人參

白朮

白茯苓

甘草 炙

丁香 各五錢

砂仁 四錢

木香 三錢

白豆蔻 十四個

乾山藥 二兩

肉豆蔻 四個

右為末蜜丸芡實大每服十丸米飲化下

香薷散 方見熱吐

竹茹湯

五苓散 方並見五淋

玉露散

補中益氣湯

大安丸

保和丸

四方見虛齋

六君子湯

四君子湯

三方見天鈞

瀉黃散

人參安胃散

二方見脾臟

理中丸

方見冷瀉

人參養胃湯

方見瘧症

寒吐噦逆

錢仲陽曰寒吐者由乳母當風取涼或風寒客于乳

母其症面黃脹額汗出脉沉遲微寒氣停於胃故置

不納而生出也噦逆者由胃氣虛甚過服剋伐使清
氣不升濁氣不降以致氣不宜通而作也風寒在胃
者用理中丸胃氣虛者六君子湯風涼所致者宜捏
去敗乳急服理中丸次服釀乳法若嘔吐清涎夾乳
小便清利用大安丸若因乳母食厚味用東垣清胃
散若乳母飲醇酒用葛花解醒湯飲燒酒服冷米醋
三五杯乳母食生冷而致者用五味異功散乳母停
食者母服大安丸子服異功散乳母勞役者子母俱
服補中益氣湯乳母怒動肝火者用加味逍遙散乳
母鬱怒傷脾者用歸脾湯乳母脾虛血弱者用六君

芎歸其子亦服三五滴氣血虛而乳熱者子母俱服
八珍散仍叅熱吐霍亂治之

治驗

一小兒因停食腹痛服疎導之藥而愈後復停食
又用前藥寒熱不食腹脹後重大便頻而少此脾
氣復傷而下陷也先用異功散加升麻數劑後重
漸愈再加當歸全愈後因乳母恚怒致兒寒熱發
搐作嘔用六君柴胡山梔以治其母兼灌其兒並
愈

一小兒因乳母感冒風寒發熱兒患嘔吐身發赤

暈用東垣人參安胃散而愈又咬牙發搐嘔吐酸腐待其吐止自安

一小兒特吐乳食診其母有鬱怒之症用加味歸脾湯加味道遙散治之而愈

一小兒七歲身羸兼吐少食發熱面黃余謂脾臟受傷用六君煨薑二劑而飲食進去薑又數劑而愈

一小兒吐乳大便臭穢目睛緩視因乳母交感後飲乳所致用六君木香藿香治之而安

一小兒吐乳不食手足搐搦痰涎上湧手足指冷

額黑唇青此腎水勝心火也用五味異功散加木
香炮薑頓愈去薑又數服而愈

一小兒不時乾嘔不乳腹膨此脾胃虛而將成疳
也用四味肥兒丸以治疳四君子湯以健中而痊
後傷食吐瀉完穀形氣困憊四肢微搐余曰且勿
藥次日吐止但搐而瀉青黃此脾土虛而肝木勝
也用六君釣藤鉤而痊

釀乳法治嬰兒有胎熱症令乳母服之不可遽用冷
藥恐損脾胃若加嘔吐必成大患

澤瀉

玉露

清本

去

赤茯苓

天花粉

各一兩

生地黄

二兩

山茵陳

去根

青草

各一兩

右每服五錢水煎食後捏去舊乳服

茯苓半夏湯治嘔噦心下堅痞膈間有水痰眩驚悸

半夏

五錢

白茯苓

二兩

右每服三錢薑水煎服

二陳湯治痰飲嘔吐惡心或頭眩心悸或中脘不快

或因食冷物胃氣不和

半夏

橘紅

各五錢

白茯苓

三錢

甘草

一錢五分炙

右每服二三錢烏梅一箇薑棗水煎服

四味肥兒丸治嘔吐不食腹脹成疳或作瀉不止或

食積脾疳目生雲翳口舌生瘡牙齦腐爛發熱瘦

怯遍身生瘡又治小便澄白腹大青筋一切疳症

黃連炒

蕪荑

神麴

麥芽炒各等分

右爲末水糊丸桐子大每服一二十丸空心白滾

湯送下

東垣人參安胃散治服峻劑脾胃虧損或成慢驚

瀉嘔吐腸胃有熱以致前症

方見脾胃